

增補葉天士醫案



增補
重編 葉天士醫案卷三

(二) 腫脹

朱某初因面腫。邪干陽位。氣壅不通。二便皆少。桂附不應。即與導滯。滯屬有質。濕熱無形。入肺為喘。乘脾為脹。六腑開合皆廢。便不通爽。溺短渾濁。時或點滴。視其舌絳口渴。臍病背脹。臍病腹滿。更兼倚倒左右。腫脹隨著處為甚。其濕熱布散三焦。明眼難以決勝矣。經云。從上之下者治其上。又云。從上之下而甚於下者。必先治其上。而後治其下。此症逆亂紛更。全無頭緒。皆不辨有形無形之誤。姑以清肅上焦為先。

飛滑石

半錢

大杏仁

去皮炙

生苡仁

三錢

白通草

錢一

鮮枇杷葉

刷淨毛去筋
手內揉與三

錢

茯苓皮

三錢

淡豆豉

半錢

黑山梔殼

錢一

急火煎五分服

此手太陰肺經藥也。肺氣室塞。當降不降。杏仁微苦則能降。滑石甘涼滲濕。解熱。苡仁通草淡而滲氣分。枇杷葉平涼能開肺氣。茯苓用皮。謂諸皮皆涼。梔殼宣其陳腐鬱結。凡此氣味俱薄。為上焦藥。倣齊之才輕可去實之義。

陳某進神芎導水丸二日。所下皆粘膩。黃濁形色。余前議肺氣室塞。水濕粘滯。濁攻犯肺為痰嗽。水漬脉隧為浮腫。大凡經脈六腑之病。總以宣通為是。內經云。六腑以通為補。今醫不分臟腑經絡。必曰參朮是補。豈為明理。然肢節足跗之濕。出路無由。

必鍼刺以決其流。此內外莫可皆安。戊己丸三錢。用二日後。再進前藥一服。
陳心診脈右大而緩。左如小數促。冬季寒熱身痛。汗出即解。自勞役飢飽。嗔怒之後。
病勢日加。面浮足腫。呼吸皆喘。目淚鼻衄。臥著氣衝欲起。食納留中不運。時序交夏。
脾胃主候。靚色脈情形。中滿脹病日來矣。蓋此症屬勞倦致損。初病即在脾胃。東垣
云。胃為衛之本。脾乃營之源。臟腑受病。營衛二氣。晝夜循環失度。為寒為熱。原非瘧
邪。半表半裏之症。斯時若有明眼。必投建中而愈。經言。勞者溫之。損者益之。建中甘
溫。令脾胃清陽自立。中原砥定。無事更遷。仲景亦謂男子脈大為勞。則知內經東垣
仲景垂訓。真規矩準繩。至法。且汗泄積勞。都是陽傷。醫藥辛走劫陽。苦寒敗胃。病人
自述。飲蔗即中脘不舒。項之少腹急痛。便稀。其胃陽為苦辛大傷。明甚。又述咳頻衝
氣。必自下上逆。夫衝脈隸於陽明。胃陽傷極。中乏坐鎮之真氣。衝脈動。則諸脈皆動。
濁陰散漫上布。此卧著欲起矣。愚非遙指其脈。正合內經濁氣在上。則生脹。脹。太陰
所至。為腹脹相符也。昔有見瘵休治痰。見血休治血。當以病因傳變推求。故辨論若
此。

厚朴 杏仁 人參 茯苓 蜜蠟薑 南棗

厚朴杏仁取其能降氣。參苓薑棗取其建立胃中之清陽。而和營衛也。
某五食穀不運。腹脹嘔惡。大便不爽。脈弦色黃。此胃陽式微。升降司失使然。法當溫

通陽氣。

吳萸

半夏

華撥

淡乾薑

生薑汁

廣皮

白

脈沈屬水。初因食物之滯。繼為下奪太速。脾陽頓傷。氣室濕聚。為腫脹矣。

大腹皮

茯苓皮

厚樸

豬苓

澤瀉

老薑皮

新會皮

甜葶藶

杏仁

陳某壯盛年歲。形消色奪。診脈右小促。左小弦勁。病起上年秋季。脘中卒痛。有形梗突。病後陡遇驚觸。漸次食減。不適。食入不運。停留上脘。腹形脹滿。甚則脇肋皆脹。四肢不暖。暮夜漸溫。大便旬日始通。便後必帶血出。清早未食。自按臍上氣海。有瘕形甚小。按之微痛。身動飲水。寂然無踪。天氣稍冷。爪甲色紫。細推病屬肝脾氣血不通。則為鬱遏。久則陽微痺結。上下不行。有若否卦之義。閱醫藥或消或補。總不見效者。未知通陽之與耳。

薤白

桂枝

瓜蒌仁

生薑

半夏

茯苓

又 薤白汁

桂枝木

瓜蒌仁

川棟子皮

半夏

茯苓

歸鬚

桃仁

延

胡 薑汁

二汁法丸

吳某平昔濕痰阻氣為喘。茲因過食停滯。陰臟之陽不運。陽腑之氣不通。二便不爽。跗腫腹滿。診脈沈滯。是由水寒痰滯。阻遏氣分。上下皆不通調。當從三焦分治。頃見案頭一方。用兔絲子升少陰。吳茱萸泄厥陰。不知作何解釋。不敢附和。仍用河間分

腫脹

重

卷

三

腫脹

二

腫脹

腫脹

腫脹



消定議。

大杏仁 萊菔子 猪苓 澤瀉 葶藶子 厚朴 桑白皮 廣皮 細木通

又三焦分消。泄肝通腑。二便不爽如昔。診脈浮小帶促。聞聲呼吸不利。是氣分在上結阻。以致中下不通。喘脹要旨。開鬼門以取汗。潔淨腑以利水。無非宣通表裏。務在治病源頭。據脈症參詳。急急開上為法。合金匱風水反登義矣。

麻黃 杏仁 石膏 甘草 苡仁

倪樞濕熱脚氣上攻心胸。腕中滿脹嘔逆。乃濕上甚為熱化。與苦辛先平在上之滿脹。用瀉心法。

川連 黃芩 枳實 半夏 薑汁 杏仁

汪某腫自下起。脹及心胸。遍身肌膚赤癢。溺無便滑。濕熱蓄水。橫清經隧。氣機閉塞。呻吟喘急。濕本陰邪。下焦先受。醫用桂附芪朮。邪蘊化熱。充斥三焦。以至日加凶危也。

川通草錢半 海金沙錢五 黃柏皮錢半 木猪苓錢三 生赤豆皮錢半 真北細辛一分

又前法腫消三四。仍以分消。

川白通草 猪苓 海金沙 生赤豆皮 葶藶子 茯苓皮 晚蠶沙

又間日寒戰發熱。渴飲。此為瘧。乃病上加病。飲水結聚。以下痛脹。不敢用涌吐之法。



暫與開肺氣壅遏一法。

大杏仁 蜜炒麻黃 石膏

又濕邪留飲發紅瘰胸聚濁痰消渴未已用木防已湯。

木防已錢一 石膏三錢少 杏仁錢三 苡仁錢二 飛滑石錢半 寒水石錢半 通草

煎湯代水

楊梅味過辛酸脾胃氣傷結聚食入則脹滿曾服礞石大黃丸滯濁既下不愈並不
在乎腸中前賢治脹治滿必曰分消攻有形不效自屬氣聚為瘕疎胃宜清調脾當
暖此宗前賢立法

生茅朮 廣皮 丁香皮 黃柏 草豆蔻 川黃連 厚朴 茯苓 澤瀉

水法丸

秦某兩年初秋發瘍脈絡氣血不為流行而腹滿重墜卧則頗安臍左動氣卧則尤
甚吐冷沫常覺冷氣身麻語塞肝風日熾疎泄失職經以肝病吐涎沫木侮土位自
多腹脹丹溪云自覺冷者非真冷也兩次潰瘍之後剛燥熱藥似難進商議以宣通
肝胃為治有年久恙費乎平矣

雲茯苓錢三 三角胡麻搗碎滾水洗 厚橘紅錢一 嫩鈎藤錢一 熟半夏炒黃一錢半

白旋覆花錢一 瀉清服一錢 四帖



又接服大半夏湯。

熟半夏

錢半二

雲苓

五錢

薑汁

調服四分

人參

同前錢

方五診脈百至右緩濡左弦。始而腸鳴泄氣由漸腹滿臍脹。納食幾廢。便難溺少。此皆情懷少嘔。清氣不轉。木侵侮胃土。胃陽窒塞。脹滿日甚。據云先因胃脘心下痛症。氣鬱顯然。非旦晚圖功之象。議河間分消法。

杏仁

厚朴

海金沙

陳香櫟

鬱金

萊菔子

木通

王三食入不運。腕中臍脹。病由悵鬱。經年不愈。視色黃形瘦。按脈小而濡。喜涼飲。欲惡熱。大便未經通調。九竅不和。皆胃病矣。

川連

雞肫皮

枳實

廣皮

桔梗

瓜蒌實

半夏

萊菔子

鬱金

杏

仁

薑汁

竹瀝

楊十四肝鬱乘胃為脹。經年內結有形。用緩消一法。

生茅朮

雞肫皮

川連

生厚朴

淡薑渣

針砂梨

椒目湯法丸

畢某濕熱由腑滯及腸中。大便不爽。食入不適。平昔肝木易動。厥陰不主疎泄。少腹形脹。無非滯氣之塞。久則凝瘀日踞。

小溫中丸

三錢十服

程三脈右弦。面黃腹滿。按之漉漉有聲。每大便先腹痛。便不能乾爽。此胃氣不降。陽



氣自滯。由乎嗔怒不息。肝木橫逆。疎泄失司。膜脹之來。皆由乎此。議泄肝通腑。濁宣脹減之義。

杏仁 紫厚朴 猪苓 鬱金 椒目 煥榔汁 接服小溫中丸

某^{七五}不飢不運。小腹胃脘悉滿。診脈左弦。乃肝木犯胃。二腑不主流行。濁陰漸次瀰漫。他日單脹之作。竟有難以杜患者。速速戒惱怒。安閒自在。誠治斯疾之良圖。

小溫中丸。一錢五分。開水送下。

夏夏四月脾胃主氣。嗔怒怫鬱。無不動肝。肝木侮土。而脾胃受傷。鬱久氣不轉舒。聚而為熱。乃壯火害氣。宜乎減食膜脹矣。當作水土之鬱調治。桂附治熱。萸地滋滯。鬱熱益深。是速增其病矣。

鉤藤 丹皮 黑山梔 川連 青皮子 紫厚朴 萊菔子 廣皮白 薄荷梗

又脹勢已緩。脈來弦實。此濕熱猶未盡去。必淡泊食物。清肅胃口。以清滲利水之劑。服五六月再議。

猪苓 澤瀉 通草 海金沙 金銀花 茯苓皮 黑穠豆皮

又診脈浮中沈。來去不為流利。氣阻濕鬱。膠痰內著。議用控涎丹六分。緩攻。又服控涎丹。大便通而不爽。診右脈弦實。目黃舌燥。中焦濕熱不行。因久病神倦。不



敢過攻。議用丹溪小溫中丸。每服三錢。乃泄肝通胃。以緩治其脹。
謝某形神勞煩。陽傷腑氣不通。疝瘕陰濁。從厥陰乘犯陽明胃。為陰濁蒙閉。腸中氣
窒日甚。年前邪勢頗緩。宣絡可效。今閉錮全是濁陰。若非辛雄剛劑。何以直突重圓。
脹滿日增。人力難施矣。

生炮川烏頭 生淡川附子 淡乾薑 淡吳萸 川棟子 小茴香 豬膽汁
浦泗腎氣丸五苓散一掃少陰。一通太陽。濁泄溺通。腹痛日減。不為錯誤。但虛寒脹
滿。而用溫補。閱古人調劑。必是通法。蓋通陽則濁陰不聚。守補恐中焦易鈍。喻氏謂
能變胃而不受胃變。苟非純剛之藥。曷勝其任。議於暮夜服玉壺丹五分。早進

人參 半夏 薑汁 茯苓 枳實 乾薑

陳六老人脾傷陽衰。午後暮夜。陰氣用事。食納不適。腸鳴腹脹時泄。治法初以剛劑。
俾陰濁不僭。陽乃復辟。

人參 淡附子 淡乾薑 茯苓 炒兔絲 胡蘆巴

此治陽明之陽也。若參入白朮甘草。則兼走太陰矣。

某七腫脹由足入腹。診脈細軟。不能運穀。當治少陰太陰。

生白朮 厚朴 茯苓 淡附子 淡乾薑 華撥

馬六暮食不化。黎明瘕泄。乃內傷單脹之症。脾腎之陽積弱。據理當用腎氣丸。

顧三脈微而遲。色衰萎黃。辨為介屬。臍寒沈降。凡陽氣不足者。食之損陽。其致病之由。自試二次矣。久利久泄。古云無不傷腎。今浮腫漸起自下。是水失火而敗。若非煖下。徒見瀉泄有紅。為脾胃濕熱。必致中滿敗壞。

生茅朮 熟地炭 熟附子 淡乾薑 茯苓 車前子

某脾胃虛寒多瀉。由秋冬不愈。春水已動。勢必起土。腹滿小便不利。乃腫病之根。若不益火生土。日吃瘦藥。焉能却病。

人參 白朮 附子 生益智 兔絲子 茯苓

姚四據說情懷不適。因噴怒痰嗽有血。視中年形悴肉消。漸漸腹脹跗腫。下午漸甚。陽氣日奪。早服腎氣丸三錢。晝服五苓散。

殷氏行動氣墜於下。卧著氣擁於上。此跗腫甚。頭脹夜甚。總是中年陽微最有腹大喘急之事。濟生九十服。

某躬耕南畝。曝於烈日。漬於水土。暑濕內蒸。為瀉痢。邪去正傷。臨晚跗腫腹滿。乃脾陽已困。諸氣不司運行。濁陰漸爾竊據。內經病機。諸濕腫滿。皆屬於脾。

生白朮 草薢 茯苓 厚朴 附子 澤瀉

鄒三深秋霍亂轉筋。必有暴冷傷及脾胃。病機一十九條。河間皆謂熱。亦屬偏見。愈泄愈脹。豈是實症。夫酒客之濕。皆脾胃陽微不運。致濕邪凝聚。氣壅成脹。見脹滿輒



投攻下。不完致病之因。故曰難調之症。

生白朮 草果 熟附子 厚朴 廣皮 茯苓

陳四苦寒多用。胃陽久傷。右脇痛。嘔酸濁。皆濁陰上干。用辛甘溫中。補虛痛減。病人述早上腹寬。暮夜氣緊微硬。大便不爽。有單腹脹之憂。

人參 生白朮 茯苓 肉桂 歸身 益智 廣皮 煨薑

趙五胸腹脹滿。久病瘦多。

生白朮 茯苓 厚朴 肉桂 薑汁丸

本草云。厚朴與白朮能治虛脹。仿潔古枳朮之意也。佐茯苓通胃陽。肉桂入血絡。則病邪可却矣。

楊某脈沈。小弦。中年已後。陽氣不足。痰飲水寒。皆令逆起。致運納失和。漸有脹滿浮腫。法以辛溫宣通。以本病屬脾胃耳。

人參 茯苓 白芍 淡附子 薑汁 調三分

倪仁腹與膨。使不爽。胸陽不行。

生益智 茯苓 生穀芽 廣皮 砂仁殼 厚朴

又六腑不通爽。凡濁味食物宜忌。

雞肫皮 麥芽 山查 砂仁 陳香櫟



又脈沈小緩。早食難化。晚食夜脹。大便不爽。此脾陽久傷。不司流行。必以溫藥疎通。忌食閉氣粘葷。

生白朮 附子 厚朴 草果 茯苓 廣皮白 檳榔汁

僧四俗語云。膏粱無厭發癰疽。淡泊不堪生腫脹。今素有脘痛氣逆嘔吐。漸起腫脹。乃太陰脾臟之陽受傷。不司鼓動運行。陰土宜溫。佐以制木治。

生於朮 茯苓 廣皮 椒目 厚朴 益智仁 良薑

某六左脈弦。脈滿不運。便泄不爽。當溫通脾陽。

草藥仁 錢一 茯苓皮 錢三 大腹皮 錢三 廣皮 半錢 青皮 錢一 厚朴 半錢 木猪苓 半錢

椒目 分五

唐氏 紫苑 杏仁 通草 鬱金 黑山梔

又三焦不通。脘脾腹脹。二便不爽。前方用開手太陰肺。苦辛潤降。小溲得利。兼進小溫中丸。泄肝平胃。脹勢什減有五。但間因寒熱復來。必是內鬱之氣。陽不條達。多寒戰慄。議用四逆散和解其小溫中丸仍用。

生白芍 枳實 柴胡 黃芩 半夏 杏仁 竹茹 生薑

張樞腹膨脹。大便不爽。得暖氣稍快。乃陽氣不主流行。蓋六腑屬陽。以通為補。春本地氣來升。土中最畏木來。勢猖熾。治當泄木安土。用丹溪小溫中丸。每服三錢。



張氏用鎮肝逆理胃虛方法。脈形小弱。吐涎沫甚多。仍不納穀。週身寒凜。四肢微冷。皆胃中無陽。濁上僭踞。而為膜脹。所謂食不得入。是無火也。

人參 吳萸 乾薑 附子 川連 茯苓

丁三 嗔怒氣血逆亂。古脇不和。夜食噎噎。腹脹。乃肝胃病。治以解鬱。宣通氣血。

鉤藤 丹皮 桑葉 生香附 茯苓 神麴 降香末 炒黑查肉

徐某平素肝氣不和。脇肋少腹膜脹。氣血不調。痰飲漸聚。厥陰陽明同治。

桃仁 延胡 歸尾 小茴 香附 半夏 茯苓 橘紅 神麴

馬三脈實。久病瘰癧。熱在血。胸不爽。小腹墜。能食不渴。二便濇少。兩進苦辛宣肺。病未
能却。此屬血病。用通幽法。

桃仁 郁李仁 歸尾 小茴 紅花 製大黃 桂枝 川棟子

又晝日氣墜少腹。夜卧不覺甚。則頭昏胸悶。今年五月初用疎滯。繼通三焦。續進通
幽。其墜脹仍若。議辛香流氣法。

川棟子 延胡 小茴 黑山梔 青木香 橘核 生香附 磨汁法丸

董某初因下血轉弱。繼而大便秘艱。自左脇下有形。漸致脹大堅滿。小便自利。病在
血分。久病兩年。氣短不敢峻攻。若五積成例。議用古禹餘糧丸。每日一錢。

鄭氏得食腹痛。上及心胸。下攻少腹。甚至筋脈擾於周身。脈絡之間。大便欲解不通。

暢。此乃腸胃氣阻。故痛隨利減。神保丸一錢。

張某脈左弦。右浮濇。始因脘痛貫膈。繼則腹大高凸。納食減少難進。二便艱濇不爽。此乃有年操持。榮慮太甚。肝木怫鬱。脾土自困。清濁混淆。脹勢乃成。蓋臟真日納。腑陽不運。考古治脹名家。必以通陽為務。若滋陰柔藥。微加桂附。凝陰添濁。豈是良法。議用局方禹糧丸。暖其水臟。攻其穢濁。俟有小效。東進通陽剛補。是為虛症內傷。脹滿治法。至於攻瀉。剗奪。都為有形而設。與無形氣傷之症不同也。局方禹糧丸。陳軀久鬱。傷及脾胃之陽。面無華色。納粥欲嘔。大便溏泄。氣隔則跗腫。氣呆則脘悶。有中滿之憂。用治中法。

人參 生益智 煨薑 茯苓 木瓜 炒廣皮

程女脈數。惡心脘脹。

炒半夏 廣皮 霍香黃連一分 茯苓 鬱金

又暑傷脾胃。則肝木犯土。左腹膨泄瀉。

人參 厚朴 廣皮 炒澤瀉 茯苓 木瓜 炙草 炒查肉

又 人參 炒柴胡 炒白芍 炒黃芩 茯苓 炙草 生薑 大棗

宋某食入脘脹。此屬胃病。視色蒼形瘦。自述飲酒嘔吐而得。又述耳鳴肉瞤。是木火犯中。鬱勃病甚。議用逍遙減白朮。合左金方。

朱^{三四}瘰癧馬刀。都是肝膽為病。病久延及脾胃。腹滿便澀。古黃微渴。非溫補可服。泄木火以疎之。和脾胃以調之。冀其脹勢稍減。

吳萸拌川連 生於朮 川棟子 炒山查 炒黑山梔 厚朴 青皮 椒目

唐女氣臘三年。近日跌仆嘔吐。因驚氣火更逆。胸臆填塞。脹滿二便皆通。自非質滯。喜涼飲。面起瘰癧。從病能為。脹屬熱。

川連 淡黃芩 半夏 枳實 乾薑 生白芍 鐵絛針

顏^{三六}今年風木加臨。太陰陽明不及。遂為膜脹。小便不利。兩跗皆腫。大便澀滯。治在臍陽。用分消湯方。

生於朮 茯苓 澤瀉 豬苓 厚朴 椒目 海金沙湯煎。

吳某今歲厥陰司天。加臨驚蟄節。病腹滿喘促。肢腫面浮。寒熱汗出。皆木乘土位。清陽不得舒展。濁氣痞塞。僭踞。故泄氣少寬。姑擬通腑以泄濁。

生於朮 茯苓 椒目 紫厚朴 澤瀉 淡薑渣

朱^四鬱勃久坐。中焦不運。寒熱小溲不通。腹膨脹滿。脈小而澀。全是臍陽失司。與泄水通腑分消法。

四苓加椒目厚朴大腹皮青皮

某脹滿跗腫。小溲短澀不利。便泄不爽。當開太陽為主。五苓散加椒白。



某^七少腹單脹。二便通利稍舒。顯是腑陽室痹。濁陰凝結所致。前法端治脾陽。宜乎不應。當開太陽為要。五苓散加椒目。

鄭某兩投通裏。痛脹頗減。無如陰陽不分。舌絳煩渴。不欲納穀。想太陽膀胱不開。胃陽不司。闔法當仍與通陽。腑為要。但五苓桂朮。斷不適用。議用甘露飲意。

猪苓 茯苓 澤瀉 寒水石 椒目 炒橘核

程某今年長夏久熱。熱勝陽氣外泄。水穀運遲。濕自內起。漸漸浮腫。自下及上。至於喘咳。不能卧息。都是濁水凝痰。阻遏肺氣下降之司。但小溲不利。太陽亦不通調。此雖陽虛症。若腎氣湯中。更地之酸膩。力難下行矣。

茯苓 桂枝木 杏仁 生白芍 乾薑 五味 生牡蠣 澤瀉

馬^五初起胸痺嘔吐。入夏跗腫少腹悉腫。食穀不運。溲短不利。此陽氣式微。水穀之濕內蘊。致升降之機失司。當開太陽。當走濕邪。

猪苓^{錢三} 桂枝木^{八分} 茯苓皮^{錢三} 澤瀉^{錢一} 防己^{錢一} 厚朴^{錢一} 四帖

某暴腫氣急。小溲濇少。此外邪壅肺。氣分不通。治當從風水皮水。宣其經隧。以能食能寢為佳。勿得誅伐無過之地。

前胡 蜜炙麻黃 牛蒡子 薑皮 紫苑 杏仁 茯苓皮 廣皮

王髀尻微腫。小腿下腓腫甚。乃脾陽不行。病甚於暮。宜辛香通其經腑之鬱。



生於朮 炮川烏 北細辛 茯苓 漢防己 川獨活

又中滿用餘糧丸獲效。得煖下泄濁之力。腹脹已去。而髀尻足跗肌肉腫浮。夫臟寒生滿病。暖水臟之陽。培火生土是法。究竟陽未全復。四末流行未布。前議幽香通其下焦經脈。果得腫減。議用加味活絡丹。

炮川烏 乾坤龍 乳香 沒藥 北細辛 桂枝木 用油松節三兩。酒水各半。煎汁法丸。

某向有宿痞。夏至節一陰來復。連次夢遺。遂腹形堅大。二便或通或閉。是時右膝癱腫潰瘍。未必非濕熱留阻經絡所致。診脈左小弱。右緩大。面色青減。鼻準明亮。納食必腹脹愈加。四肢惡冷。熱自裏升。甚則衄血。牙宣。全是身中氣血交結。固非積聚停水之脹。考古人於脹症以分清氣血為主。止痛務在宣通。要知攻下皆為通腑。溫補乃護陽以宣通。今者單單腹脹。當以脾胃為病藪。太陰不運。陽明愈鈍。議以緩攻一法。

川桂枝 錢一 熟大黃 錢一 生白芍 半錢 厚朴 錢一 枳實 錢一 淡生乾薑 錢一 三帖

又診脈細小。右微促。畏寒甚。右脇中氣觸入小腹。著卧即有形墜著。議用局方禹餘糧丸。暖水臟以通陽氣。

早晚各服一錢。流水送。八服

